

2012年12月11日扶貧小組委員會

「貧窮線」自由黨中常委阮建中發言稿

主席：

1. 政府多年來都話要加強扶貧，但可惜社會上的貧窮人口，仍是有增無減。最近樂施會就估計，本港 710 萬人口中，平均每 6、7 個人之中就有一個是貧窮人士。
2. 但我地同時留意到政府越來越有錢。97 時香港的外匯儲備總資產才只有 7 千億港元，但時至今日，已經高達 2 萬 6 千幾億，當中 6,000 幾億元就係特區政府嘅財政儲備。可見要解決貧窮問題，對政府而言，資源可能並不是問題，決心至係問題。
3. 所以，當特首委託扶貧委員會早前研究訂出貧窮線，大家都認為是合適的。因為這可以令到大家日後可以憑着官方的資料，得以掌握香港嘅貧窮問題究竟有多大。
4. 咁呢條貧窮線應該點劃呢？扶貧委員會都講咗，不單止會參考上一個扶貧委員會訂落嘅二十七個貧窮指標，仲會參考歐盟、經合組織等的標準，譬如以家庭入息中位數嘅五成或六成嚟劃，亦會一併研究稅前稅、福利援助分配前後嘅家庭收入中位數。
5. 我們認為，扶貧委員會在訂出香港嘅貧窮線時，的確有需要作出周詳考慮，因為它不單止係一個官方標準咁簡單，更係代表住點樣理解香港嘅貧窮現象。而我們亦期望官方標準出嚟之後，要同時提供埋應對方法，即是斷了症後，同時要對症下藥至得，要針對不同弱勢組群嘅現狀及其需要，為佢哋設計不同的援助方案。
6. 總而言之，我們認為，政府不可以再如以往般，每年在預算案「派下糖」就算，而係要切切實實拿出一套具策略性嘅扶貧政策，解決老年貧窮、在職貧窮、跨代貧窮等問題。但這並不同叫政府大搞福利主義，藥石亂投，而是必須要着力協助有能力的人士自力更生，協助他們逐步脫貧才是。

(630 字)